

# Hysbysiad Preifatrwydd ar gyfer adborth Cofrestru Busnesau Bwyd gan weithredwyr busnesau bwyd

Gwybodaeth am yr hysbysiad preifatrwydd ar gyfer adborth mewn perthynas â'r Gwasanaeth Cofrestru Busnesau Bwyd, pam mae angen y data arnom ni, yr hyn a wnawn gyda'r data a'ch hawliau chi.

Yr Asiantaeth Safonau Bwyd (ASB) fydd 'Rheolydd' y data personol sy'n cael ei roi i ni.

## Pwrpas a sail gyfreithiol ar gyfer prosesu

Mae angen i ni gasglu'r wybodaeth adborth hon i wella ein gwasanaeth cofrestru busnesau bwyd digidol. Rydym ni hefyd yn defnyddio adborth i adolygu a gwella'r cyngor a'r canllawiau cofrestru busnesau bwyd a roddir i fusnesau.

Rydym yn gwneud hyn drwy gynnal ein swyddogaethau swyddogol ac yn unol â'r awdurdod swyddogol a roddwyd i ni o dan Ddeddf Safonau Bwyd 1999 i ddiogelu iechyd y cyhoedd rhag risgiau a allai godi mewn cysylltiad â bwyta bwyd. Ni fyddwn yn casglu unrhyw ddata personol gennych chi nad oes ei angen arnom ni.

I gael mwy o wybodaeth, darllenwch yr adran [Pam mae angen eich gwybodaeth bersonol arnom](#) yn ein Siarter Gwybodaeth Bersonol.

## Beth sydd ei angen arnom a sut rydym yn ei ddefnyddio

Rydym yn casglu eich enw, eich cyfeiriad, eich rhif ffôn a'ch cyfeiriad e-bost. Mae angen yr wybodaeth hon i'n galluogi i gysylltu â chi i gael adborth.

Rydym hefyd yn casglu gwybodaeth am natur eich busnes, eich ymwybyddiaeth o'r angen i gofrestru, a'ch rhesymau dros gofrestru. Rydym yn gwneud hyn i'n helpu i wella cyngor busnes ac i wneud y broses gofrestru mor effeithlon â phosib.

Efallai y byddwn hefyd yn gofyn cwestiynau i chi ac yn cadw gwybodaeth sy'n ymwneud â'ch profiad o gofrestru fel y gallwn wella'r gwasanaeth Cofrestru Busnesau Bwyd digidol.

## Sut a ble rydym yn storio'ch data, a chyda phwy y gallwn ei rannu

Dim ond cyhyd ag y bo'n angenrheidiol i gyflawni'r dibenion hyn y byddwn ni'n cadw eich gwybodaeth bersonol, a hynny'n unol â'n polisi cadw. Mae hyn yn golygu y cedwir yr wybodaeth hon cyhyd â bod busnes wedi'i gofrestru a/neu ei gymeradwyo fel gweithredwr busnes bwyd. Cedwir rhestrau hanesyddol o fusnesau cofrestredig a/neu rai wedi'u cymeradwyo am 10 blynedd.

I gael gwybodaeth fwy cyffredinol, ewch i'r adran [Sut a ble rydym yn storio'ch data, a chyda phwy y gallwn ei rannu](#) yn ein Siarter Gwybodaeth Bersonol.

## Trosglwyddiadau Rhyngwladol

I gael mwy o wybodaeth am drosglwyddiadau rhyngwladol, ewch i'r adran [Trosglwyddiadau Rhyngwladol](#) yn ein Siarter Gwybodaeth Bersonol.

## Dinasyddion yr Undeb Ewropeaidd (UE)

I gael mwy o wybodaeth am Hysbysiad Preifatrwydd Dinasyddion yr UE, ewch i'r adran [Dinasyddion yr Undeb Ewropeaidd \(UE\)](#) yn ein Siarter Gwybodaeth Bersonol.

## Eich hawliau

I gael mwy o wybodaeth am eich hawliau, ewch i'r adran [Eich hawliau](#) yn ein Siarter Gwybodaeth Bersonol.

## Cysylltu â ni

Os oes gennych chi unrhyw ymholiadau am yr Hysbysiad Preifatrwydd hwn, eich gwybodaeth bersonol, neu unrhyw gwestiynau ar ein defnydd o'r wybodaeth, anfonwch e-bost at ein Swyddog Diogelu Data yn yr ASB, sef Arweinydd y Tîm Rheoli Gwybodaeth a Diogelwch gan ddefnyddio'r cyfeiriad isod.